

Xeerka 18 Febraayo 1959, lamba. Diiw.

Dhisid qayb madaxbannaan xagga fulinta ammaahda muddada dhexe iyo fog (dheer), ee “Bangiga Ammaanda, Soomaaliyeed”

MAAMULAHA

Markuu arkay shariga 7 Maajo 1956, lamba. 1 “Dhisimaha Xukuumadda Soomaaliya”;

Markuu arkay xeerka 18 Maajo 1956, lamba. 78 – “Xeerka Nidaamka Xukuumadda, ee Soomaaliya”;

Markuu arkay sharciga 30ka setembere 1956, lamba. 10 – “Ballarinta Hawlaha BANGIGA Ammaahda Soomaali”;

Markuu Aqoonsaday habboonaanshaha in Bangiga ammaahda Soomaali laga dhex abuuro “Qayb” Madaxbannaan oo loogu talagalay “Ammaahda muddada dhexe iyo tan dheer”;

Markuu arkay ráyiga taageerada ah oo uu ku tiraabay Buddiga Ilaalada, fadhigiisii 14 Febraayo 1959;

Markuu dhegeystay Golaha Wasiirrada;

Soojeedinta Wasiirka Arrimaha Dhaqaalaha;

WUXUU XEERAYAA

Qod. 1

Waxaa la idmayaa in Bangiga Ammaahda, ee Sharciga Guud, “Bangiga Ammaahda Soomaali” laga dhex dhiso “Qayb” Madaxbannaan oo qaabilsan ammaahda muddada dhexe iyo tan muddada dheer.

Qaybta Madaxbannaan oo qaabilsan ammaahda muddada dhexe iyo tan muddada dheer waxa ay leedahay shakhsida sharci oo u gaara, waxayna leedahay hanti, maamul iyo miisaaniyad ka duwan kuwa “Bangiga Ammaahda Soomaali”.

Qod. 2

Ujeeddada Qaybta Madaxbannaan oo loogu talagalay ammaahda muddada dhexe iyo mashruuca xagga horumrinta dhaqaalaha gudaha majaalka wershadeed iyo beero gudaha dhulka iyo gaar ahaan kuwa ku jahaysan ka/shaqaynta waxyaabaha laga soo saaro beeraha, xoolaha iyo kalluumeysiga, iyo weliba beeritaanka iyo meeleynta ganacsi, ee qaar la mida waxyaabaha laga soo saaro beeraha oo lagu cayimay Xeerka *Dastuurka.

Qod. 3

Amaahaha waxaa lagu bixinayaa oo kaliya gadashada, soodejinta iyo rakibaadda alaabada iyo saabaanta iyo xagga adeegyada lagama maarmaanka u ah fulinta mashaariicda ku xusan qodobaka hore.

Qod. 4

Amaahaha waxaa kaabaya qoraallada minguurinta xagga rahanta maguurtada derejada kowaad ama rahanta guurtada, ee saaran qalabka, saabaanta iyo wixii saaran amaahaha oo loo shardinayo in ayagaas dushooda aysan saarnayn damaanado xag waajib (iltisaam), waxaana la bixinayaa ayaga oolagu saleynayo mashaariida gooni gooni, oo sí habboon dokumenti loogu qoray, horeyna ay u hubiyeen farsama-yaqaan ay Qaybtu ku kalsoon tahay,

Qod. 5

Muddada ay socdaan hawlgallada iyo qaddiga macaashka oo uu dhigayo Xeerka (Dastuurka).

Qod. 6

Macaashka hawlgalka, ee Qaybta Madaxbannaan waxa ay hoos-imaanaysaa ilaalinta (ilbaadinta/kor-gooteynta) Guddiga ilaalada, ee loogu talagalay, oo ka dhisan Wasaaradda Arrimaha Lacagaha, sida uu qabo Qod. 3aad, ee Sharciga 30 Setembere 1956, lamba. 10, ayada

oola dhowrayo xeerarka uu dhigaayo (dejinayo) isla Qod. 3aad iyo lagu tilmaamayo Xeerka Bangiga Amaahda Soomaaliyeed.

Qod. 7

Hantida Qaynta waa mid ka kooban:

Sanduuqa xurmada loo siiyo Sh. So. 1.000.000. oo loo shubaayo sida soo socota:

Sh. So. 300.000 — illaa 30-5-1959

Sh. So. 700.000 — illaa 30-6-1960

wixii tabarucaad kale ah oo siiso Xukuumadda Soomaaliyeed; tabarucaadka aan xisaabnayn, deeqo, wixii si gaar ah loo siiyo, samafal nooc kasta; Siin ama ka/qaybgallo hayado kale oo daneynaya horumarka dhaqaale, ee xagga majaalka wershado/beereed; Lacagaha keydka.

Wax-siimaha iyo ka/qaybgallada, ee hayad kale, waa in laga oggolaado góaan ka soo fulay Wasiirka Arrimaha Dhaqaalaha, kaddi makii la helo ráyiga taageero, ee Guddiga Ilaalada, ayada oo la dhegeysanayo golaha Wasiirrada, kamana badan karo 49% hantida guud, ee Qaybta.

Qod. 8

Qaybta waxay Bangiga, ee Ammaahda soomaaliya, la wadaagtaa xubnaha soo socda:

Golaha Maamulka;

Guddiga Fulinta;

Guddiga Hantidhowrayaasha;

Agaasimaha;

Ayada oo ay u wehliso awoodda uu dhigayo, uuna nidaaminayo Sharciga Aasaasidda, ee Bangiga Ammaahda Soomaaliyeed, lana xiriira Xeerka (Dastuurka).

Qod. 9

Guddoomiyaha iyo Agaasimaha Bangiga Ammaahda Soomaaliyeed waxa ay kala yihiin Guddoomiyaha iyo Agaasimaha Qaybta, ayaga oo leh awoodaha matalaadda iyo saxiixa oo horey ugu caddaa Xeerka (Dastuurka) Bangiga Ammaahda Soomaaliyeed.

Qod. 10

Sanad xisaabeedka waxa uu bilaabmaa 1 Gennaayo wuxuuna dhammaadaa 31 Disember, ee sanad kasta. Sanad-xisaabeedka (maaliyadeedka) kowaad wuxuu ka bilaabanayaa taariikhda 1da Abiriile 1959, waxa uuna xirmayaa 31 Disember 199.

Hababka iyo shuruudaha la xiriira diyaarinta iyo soo-bandhigidda miisaaniyada waxaa gooya (ku cad yihiin) Xeerka (Dastuurka).

Macaashka guud, ee Qaybta oo ka bannaan kharashaadka iyo wixii khasaareah, ee dhaca sanad-xisaabeedka (maaliyadeedka) gudahiisa waxaa lagu qaybinayaa hababka ku cad Xeerka (Dastuurka).

Qod. 11

Markuu arko soojeedinta Guddiga ilaalada (Ilaalinta), kaddib ráyi uu horey ugu bixiyey Wasiirka Arrimaha dhaqaalaha, markuu dhegeysto golaha Wasiirrada, Maamuluhu wuxuu ku tallabsan karaa kala-diridda iyo xaraash-gelinta Qaybta oo uu fulinayo Maamule xaraashe ah uu asagu magacaabo xaaladaha soo socda:

marka ay jiraan dhaqamo caada-dhaafyo culus oo la hubiyey iyo ku-xadgudubyo sharci, xeerar iyo axkaam kale oo nidaamiya maamulka Qaybta;

marka jiraan khasaaroyin la hubiyey oo laqaya lacagaha (sanduuqa) keydka ka sokow wax ka badan kala baroo bar hantida Qaybta;

marka la hubiyo in Qaybtu ayasa u suubanayn in ay gaarto ujeeddooyinkeedii;

Haddii ay dhacdo kala-dirista Qaybta, Maamulha Soomaaliya, maka uu u soo – jeediyo Wasiirka Arrimaha Dhaqaalka, dhegeystana Golaha Wasiirrada, wuxuu Xeer kiisa ku

amrayaa in haraaga hantida Qaybta loo warrejiyo ujeeddo dan guud.

Muqdisho, 18 Febraayo 1959.

Maamulaha
Mario Di Stefano

Wasiirka Kowaad

Cabdullahi Ciise Maxamuud

Wasiirka Arrimaha Dibedda siihaya

Cabdullahi Ciise Maxamuud

Waa arkay waana Diiwaangeliyey –

Diiw, lamba. 15 – Xaashi lamba. 161.

Muqdisho, 13 Maarso 1959.

Hanti-dhowraha: **Axmed Daahir**